



Iacobus in ducatu Vuirtenbergico Schoren-
dorffij natus, atque à pueris in omni genere li-
terarum optimè educatus fuit. Cum autem artium
& linguarum rudimenta foeliciter percepisset, se-
se ad varias Academias contulit, atque magna di-
ligentia Philosophiæ operam dedit. In ea quoque
uigilanti studio adeò profecit, ut rerum natura-
lium cognitione nulli secundus esset. Itaque in A-
cademia Tubingensi publicus Philosophiæ pro-
fessor constitutus est. Eam functionem is magna
laude peregit, atque eius Gymnasiij maximum or-
namentum extitit. Scripsit is Philosophiæ natu-
ralis uniuersam tractationem, atque Aristotelis li-

broſ Acroamaticos scholijs suis illustrauit. Ex Aristotelis quoque de anima
libris, & è prolis Simplicij commentarijs breues interpretationes Græcas
excerpsit, atque Aphrodisei de mixtione librum transtulit.